



Republika e Kosovës
Republika Kosova-Republic of Kosovo
Qeveria - Vlada - Government
Ministria për Forcën e Sigurisë së Kosovës

Ministarstvo za Kosovske Bezbednosne Snage / Ministry for the Kosova Security Force

Departamenti i Personelit/ Odsek za personal/Department for Personnel

Në mbështetje të nenit 145, pika 2, të Kushtetutës së Republikës së Kosovës, dhe në pajtim me Ligjin Nr.03/L-149 për Shërbimin Civil të Republikës së Kosovës, Kreu III, Neni 11 i këtij Ligji, Neni 15 i Rregullores Nr. 02/2010 për Procedurat e Rekrutimit në Shërbimin Civil, Ministria për Forcën e Sigurisë së Kosovës:

RISHPALL KONKURS

<u>Titulli i vendit të punës:</u>	<u>Këshilltar Ligjor</u>
Kategoria funksionale dhe grada e vendit të punës:	Grada A-2
Nr. referencës së vendit të punës:	2522
Vendi:	FSK

Detyrat dhe përgjegjësitë:

- Siguron sipas udhëzimit këshilla ligjore, qëndrime dhe propozime, kur kërkohet nga shefi i Zyrës Ligjore, për të gjitha çështjet të cilat kanë implikime ligjore.
- Ofron këshilla në çështjet ligjore të vendit dhe ato ndërkombëtare në fushën e ligjeve për konfliktet e armatosura, ligjet humanitare dhe traktatet ndërkombëtare.
- Këshillon dhe rishikon marrëveshjet vendore dhe ndërkombëtare të cilat kanë të bëjnë me çështjet ligjore në lidhje me bashkëpunimin civil- ushtarak.
- Përgatit (harton) sipas udhëzimit legjislacionin përkatës të FSK-së si dhe siguron se është në përputhje me ligjet dhe standardet e zbatueshme.
- Siguron ndihmë sipas udhëzimit në zgjidhjen e mosmarrëveshjeve ligjore dhe kërkesave për mbajtjen e përgjegjësisë, në favor të FSK-së.
- Përkrah në mënyrë profesionale dhe teknike bordin disiplinor gjatë shqyrtimit të lëndëve disiplinore.
- Mbledh informata dhe përgatit raporte për punën e vet.

Kushtet e pjesëmarrjes në rekrutim:

- Në shërbimin civil kanë të drejtë të punësohen shtetasit e Republikës së Kosovës të moshës madhore të cilët kanë zotësi të plotë për të vepruar, posedojnë të drejta civile dhe politike, kanë përgatitje të nevojshme arsimore dhe aftësi profesionale për kryerjen e detyrave ekzekutive, drejtuese ose zbatimin e funksioneve administrative dhe të cilët kanë aftësi fizike që kërkohen për pozitën përkatëse.
- Pranimi në Shërbimin Civil të Kosovës mund të kryhet deri në një (1) vit para moshës së pensionimit.

Proceduarat e konkurrimit:

- Shpallja e konkursit është e hapur për të gjithë të interesuarit për aplikim.

Shkollimi i kërkuar:

- Diplomë universitare në fushën e drejtësisë.

Aftësitë, përvoja dhe atributet tjera që kërkohen:

- Përvojë profesionale në çështjet ligjore në ndonjë institucion publik ose privat .
- Njohuri të mira kompjuterike.
- Njohuri të gjuhës shqipe apo serbe.
- Gjuha angleze (e dëshiruar).
- Përvojë mbi procedurën ligjore dhe njohuri të ligjeve vendore dhe ndërkombëtare (e dëshiruar).
- Njohuri në fushën e ligjeve për konfliktet e armatosura, ligjet humanitare dhe traktatet ndërkombëtare (e dëshiruar).
- Përvojë të mëparshme mbi çështjet e sigurisë me qeverinë apo me sektorin që ka të bëjë me sigurinë (e dëshiruar)
- T'i kryejë detyrat e dhëna sipas mandatit dhe ato shtesë brenda periudhës së pranueshme kohore.
- Duhet të përdorë maturinë në punë dhe gjatë detyrës me njerëz..
- Duhet të jetë i motivuar dhe me etikë të lartë pune.
- Ai/ajo duhet të posedojë aftësi që të punojë i/e mëvetësishme si dhe të punojë në ekip me punonjës tjerë në përmbushjen e detyrave të dhëna..

Aktet ligjore dhe nënligjore që rregullojnë rekrutimin:

- Procesi i rekrutimit në Shërbimin Civil të Kosovës është i bazuar në Ligjin Nr.03/L-149 për Shërbimin Civil të Republikës së Kosovës dhe Rregulloren Nr. 02/2010 për Procedurat e Rekrutimit në Shërbimin Civil.
- Bazuar në aktet ligjore të lartpërmendura kandidatët të cilët i plotësojnë kriteret e parapara do t'i nënshtrohen shqyrtimit fillestar të aplikacioneve të tyre.
- Konkurruesit më të suksesshëm do të përfshihen në listën e shkurtër dhe do të ftohen të marrin pjesë në testimin me shkrim dhe me gojë.
- Kandidatët që kalojnë testin me shkrim do t'i nënshtrohen testit me gojë (intervistës). Në fund të procesit përzgjedhës kandidatët e pazgjedhur kanë të drejtë ankese.

Kohëzgjatja e emërimit:

- Emërimi është me afat të pacaktuar, ndërsa, kohëzgjatja e periudhës provuese është 12 muaj.

Data e mbylljes së konkursit:

- Konkursi është i hapur pesëmbëdhjetë (15) ditë pas ditës së shpalljes së parë në të përditshmet kosovare.
- Data e fundit e aplikimit është 02.10.2012.
- Aplikacionet e dërguara nëpërmjet postës, me pullë postare, në ditën e fundit të shpalljes, konsiderohen të vlefshme.

Paraqitja e kërkesave:

- Formularët duhet të dorëzohen në Departamentin e Personelit personalisht apo të dërgohen me postë në këtë adresë: **Ministria e FSK-së, Lagja Emshiri 1, 10000 Prishtinë, Departamenti i Personelit/Spektori i Rekrutimit, Kati II, zyra 216 (Ish-ndërtesa e Shtabit të Përgjithshëm të TMK-së)**, Prishtinë, në çdo ditë pune nga ora 09:00-15:00 deri në afatin e fundit për konkurrim.
- Kandidatët duhet t'ia bashkëngjitin aplikacionit kopjet e dokumenteve të nevojshme personale dhe kopjet e dokumenteve që dëshmojnë për kualifikimet e tij/saj. Dokumentet e pranuar nuk do të kthehen!

Kërkesa specifike:

- Kjo pozitë i nënshtrohet procesit të verifikimit dhe mund të plotësohet vetëm pas përfundimit të suksesshëm të procesit të verifikimit.

Ministria për Forcën e Sigurisë së Kosovës ofron mundësi të barabarta të punësimit për të gjithë shtetasit e Republikës së Kosovës dhe mirëpret aplikacionet nga të gjithë personat e gjinisë mashkullore dhe femërore nga të gjitha komunitetet në Kosovë. Komuniteti joshumicë dhe pjesëtarët e tyre kanë të drejtë përfaqësimi proporcional në organet e shërbimit civil të administratës publike qendrore dhe lokale, ashtu siç specifikohet në nenin 11. [paragrafin 3 të Ligjit nr. 03/L-149 mbi Shërbimin Civil të Republikës së Kosovës . Kërkesat e pakompletuara dhe të dërguara pas datës së fundit nuk do të pranohen. Për shkak të numrit të madh të kërkesave, vetëm kandidatët e përzgjedhur në listën e ngushtë do të kontaktohen. Formularët për aplikim janë në dispozicion në Departamentin e Personelit të M-FSK-së, apo në web-faqen e M-FSK-së, www.mksf-rks.org , www.rks-gov.net/mfsk, ku gjendet shpallja e konkursit. Për informata plotësuese mund të kontaktoni në: 038 200 13 508.